

# 重印東方雜誌全部舊刊五十卷序

王雲五

東方雜誌創刊於民元前八年（公元一九〇四年，清光緒三十年），為商務印書館定期刊之一，時在本館創業後之第八年。其前三年（民元前十一年），本館已創刊外交報，該報繼續刊行至民元前二年，始與本誌合併而停版。厥後，本誌內容益加重有關國際外交之資料。迄於今，雖內容門類不無隨時變更損益，其注重國際關係終始不渝。

本誌原為月刊，至民國九年第十七卷第一號起改為半月刊；民國三十六年，又恢復為月刊。

本誌自創刊至今，垂六十有八年，以每年一卷計，當有六十八卷。其所以共得五十卷者，實以停刊五次，咸由戰事關係；然鑿而不舍，旋蹶旋起，迄今仍繼續刊行，且內容資料，每次復刊後益臻豐富。因而在本國各種期刊中，成為唯一持續最久者。其所包羅之新知舊學與當時國事，在半世紀以上，亦堪稱最廣博之現代史料集成矣。

就其停刊與復刊而言，第一次停刊，為期四月有半，係於第八卷第九號在民元前一年（公元一九一一年）十一月十五日出版後，因辛亥革命，交通受阻，暫告停頓。至民元四月一日繼續刊行，仍作第八卷第十號，與停刊前銜接。

第二次停刊為期八月有半，係於第二十九卷第三號在民國二十一年二月一日出版後，因二二八事變，商務印書館總館總廠及編譯所全燬，停業整理半年，同年八月一日復業，本誌隨於十月十六日復刊，仍作第二十九卷第四號。

第三次停刊表面上為期僅半月，實則為四月有半，係於第三十四卷第十五號在二十六年八月一日出版後，因八一三全面抗戰，機構有待調整，暫行停刊半月。然復刊之初，十六與十七號於是年九月一日合刊，十八與十九號於十月一日合刊，二十與二十一號於十一月一日合刊，二十二至二十四共三號則於十二月一日合刊。至次年一月一日始恢復正常出版。

第四次停刊，為期二年四個月，係於第三十八卷第二十二號在三十年十一月十五日出版後，因太平洋戰事爆發，本館轉移出版中心於重慶，整頓需

時，直至三十二年三月十五日復刊爲第三十九卷第一號。

第五次停刊，爲期十八年有半，係於第四十四卷第十二號在三十七年十二月出版後，因共匪竊國，被迫停刊，至五十六年七月一日始在臺灣復刊。至今已滿四年有奇。預計重印全部舊刊完竣需時二年，彼時此次復刊已滿六年，每年一卷，合得六卷。以此六卷併同大陸上原刊之四十四卷，恰滿五十之數。

本誌以闡揚學術，啓迪社會爲主旨；所刊各文，見解力求客觀，議論務期平允，注重新知之介紹，然力避武斷，期不悖於研究之精神。內容則人文自然，中外新舊，兼收並載，以類相從。冠以國際關係，從向例也；殿以文藝，依通例也。其他因時需要，間有偏重，由於近六七十爲最多事之世代，新問題隨時突發，本誌配合局勢，輒有適時之發揮，並會編印專刊特刊若干次。又本誌附載之時事日誌，記述國內外大事頗詳，除停刊時期外，數十年來不稍輟，亦難能可貴之一端也。

本誌首任發行人爲高君夢旦，次爲余。民三十五年，余以從政脫離本館，改由繼任總經理之朱君經農擔任，及在臺復刊，余又復任。本誌首任編輯人爲杜君亞泉，次爲錢君智修，歷時最久；復次爲李君聖五，蘇君繼順。在臺復刊，初爲金君耀基，傅君宗懋，曹君伯一，或赴美研究，或因病辭職，改由阮君毅成繼任至今。蘇、金、傅、曹四君皆嘗從余游，余又任發行人三十餘年，爲時最久，足見與本誌關係之深。今重印全部舊刊，余又董理其事，幸何如之！

本誌第一至第四十四卷，歷時既久，卷帙浩繁，海內外各大圖書館雖有保存，極難全部無闕，本館據以重印之底本，自第一至第三十四卷，中國國民黨黨史委員會所保存者，最爲齊全，承杜主任委員元載特允借用。又國立政治大學保存顯微膠片全分，略短數捲，正在補攝。以微片放大景印不若原書之方便，故就黨史會所闕之三十五卷以下，向政大劉校長季洪借取微片補足之。至於在臺復刊以來之六卷，即四十五至五十卷，爲本館近出，則就自有者湊齊。於是重印之本誌舊刊全部遂爲海內外最完全者。然非杜主任委員與劉校長之熱心贊助，本館願望將難實現，舉世讀者亦無從窺見全貌矣。是則杜劉二君所造福者不止對本館而已。

又本館在籌備重印本誌之際，此間東亞文化書局負責人婁子匡君，因未悉本館有此計劃，亦在籌印之中，嗣聞計劃，爲尊重本館與本誌權益，願放棄其籌印之舉。唯已着手付印本誌第一至五卷。經雙方之協議，作爲婁君代替本館繼續印裝，由本館補償相當代價，予以承受，全權處分。自第六卷以後諸卷則全由本館自行印製。婁君深明大義，本館並表敬意。

中華民國開國六十年十二月一日